

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
Broj: 04-02-1/99.  
Sarajevo, 04.02.1999.god.

### Z A P I S N I K

#### **3. sjednice Predstavničkog doma Parlamentarne skupštine Bosne i Hercegovine, održane 03. i 04. februara 1999. godine**

Sjednica je počela sa radom u 14,35 sati.

Sjednicom je predsjedavao dr. Halid Genjac.

Prije početka rada predsjedavajući je konstatovao da sjednici prisustvuje 36 poslanika (22 s teritorije FBiH i 14 s teritorija RS), što čini potreban kvorum za odlučivanje na sjednici.

Pored poslanika, sjednici su prisustvovali Hanns Schumacher, zamjenik Visokog predstavnika, članovi Vijeća ministara BiH i predstavnici sredstava informisanja.

Predsjedavajući je predložio sljedeći

#### D N E V N I R E D:

1. Izbor zamjenika predsjedavajućeg Predstavničkog doma iz reda hrvatskog naroda
2. Usvajanje zapisnika sa 1. i 2. sjednice Predstavničkog doma
3. Izvještaj o radu Vijeća ministara Bosne i Hercegovine u periodu od 01.01.1997. do 30.10.1998. godine
4. Potvrđivanje imenovanja sastava Vijeća ministara Bosne i Hercegovine:
  - a) Izlaganje programa rada kopredsjedavajućih Vijeća ministara Bosne i Hercegovine
  - b) Potvrđivanje Odluke Predsjedništva BiH o imenovanju kopredsjedavajućih Vijeća ministara Bosne i Hercegovine
  - c) Potvrđivanje imenovanja potpredsjedavajućeg, ministara i zamjenika ministara Vijeća ministara Bosne i Hercegovine
5. Izbor delegacija Parlamentarne skupštine Bosne i Hercegovine u:
  - a) Organizaciju o evropskoj sigurnosti i saradnji
  - b) Centralno Evropsku Inicijativu
  - c) Interparlamentarnu grupu Bosne i Hercegovine u Interparlamentarnoj uniji
  - d) Parlamentarnu Skupštinu Vijeća Evrope
6. Poslanička pitanja

Prije glasanja o dnevnom redu poslanici SDS i RS iz Republike Srpske su napustili sjednicu, s obzirom na to da su smatrali da četvrtu tačku dnevnog reda ne

treba uvrštavati u dnevni red, jer, prema njihovom mišljenju Odluka Predsjedništva BiH nije u skladu sa Ustavom BiH i Zakonom o Vijeću ministara.

Za predloženi dnevni red glasalo je 25 poslanika, od toga 20 sa teritorije Federacije BiH i 5 sa teritorije Republike Srpske, protiv ni jedan, a 5 poslanika je bilo uzdržano.

#### **Ad.1. Izbor zamjenika predsjedavajućeg Predstavničkog doma iz reda hrvatskog naroda**

Za zamjenika predsjedavajućeg Predstavničkog doma iz reda hrvatskog naroda predloženi su poslanici: Pero Skopljak ispred HDZ i Ivo Mijačević ispred klubova poslanika SDP BiH, SD BiH i NHI.

Za poslanika Peru Skopljaka glasao je 21 poslanik, od toga 15 sa teritorije Federacije BiH i 8 sa teritorije Republike Srpske, sa 2 poslanika protiv i 4 uzdržana glasa.

Predsjedavajući je konstatovao da je poslanik Pero Skopljak izabran za zamjenika predsjedavajućeg Predstavničkog doma Parlamentarne skupštine BiH iz reda hrvatskog naroda.

#### **Ad.2. Usvajanje zapisnika sa 1. i 2. sjednice Predstavničkog doma**

Zapisnici sa 1. i 2. sjednice Predstavničkog doma su usvojeni uz ispravku zapisnika sa 1. sjednice, tako da se poslanici KCD BiH iz Republike Srpske ne bi trebali voditi kao poslanici KCD BiH iz Federacije Bosne i Hercegovine.

#### **Ad.3. Izvještaj o radu Vijeća ministara Bosne i Hercegovine u periodu od 01.01.1997. do 30.10.1998.godine**

Kopredsjedavajući Haris Silajdžić je ispred Vijeća ministara podnio Izvještaj o radu Vijeća ministara za prethodni mandatni period.

U raspravi o ovoj tački dnevnog reda učestvovali su: Suada Muminagić, Tarik Čaršimamović, Adnan Jahić, Nedžad Branković, Ivo Divković, Sejfudin Tokić, Branko Dokić i Neven Tomić.

Nakon rasprave, za usvajanje Izvještaja glasalo je 20 poslanika, protiv niko, a 8 poslanika je bilo uzdržano.

#### **Ad.4. Potvrđivanje imenovanja sastava Vijeća ministara Bosne i Hercegovine**

##### **a) Izlaganje programa rada kopredsjedavajućih Vijeća ministara Bosne i Hercegovine**

Kopredsjedavajući dr. Haris Silajdžić je prezentirao usaglašeni Program rada Vijeća ministara.

U raspravi su učestvovali: Svetozar Mihajlović, Sejfudin Tokić, Ibrahim Spahić, Nedžad Branković i Branko Dokić.

##### **b) Potvrđivanje Odluke Predsjedništva BiH o odobravanju imenovanja kopredsjedavajućih Vijeća ministara Bosne i Hercegovine**

Predsjedništvo Bosne i Hercegovine je dostavilo Odluku o imenovanju kopredsjedavajućih Vijeća ministara Bosne i Hercegovine.

U raspravi su učestvovali: Ivo Mijačević, Branko Dokić i Rasim Kadić.

Za Odluku o odobravanju imenovanja kopredsjedavajućih Vijeća ministara BiH glasalo je 20 poslanika, od toga 15 sa teritorije Federacije BiH i 5 sa teritorije Republike Srpske, sa 5 protiv i 3 uzdržana glasa.

Poslanik Sejfidin Tokić je postavio pitanje legitimnosti potvrđivanja ove odluke, s obzirom na to da je odluka donesena sa polovinom glasova poslanika u Predstavničkom domu.

Predsjedavajući je upoznao prisutne sa odredbom Poslovnika da se odluke donose većinom glasova prisutnih poslanika, kao i s tim da postoji kvorum, jer sjednici prisustvuje 28, od potrebnih 22 poslanika.

Nakon ove tačke sjednica je prekinuta u 20,30 sati i dogovoren **nastavak za 4.2.1999. godine sa početkom u 11,00 sati.**

\* \* \*

Sjednica je nastavljena u 11,00 sati.

Predsjedavajući je konstatovao da sjednici prisustvuje 27 poslanika (19 sa teritorije FBiH i 8 sa teritorije RS).

### **c) Potvrđivanje imenovanja potpredsjedavajućeg, ministara i zamjenika ministara Vijeća ministara Bosne i Hercegovine**

Predsjedništvo Bosne i Hercegovine je dostavilo Odluku o davanju mišljenja za imenovanje potpredsjedavajućeg Vijeća ministara. Kopredsjedavajući Vijeća ministara su predložili imenovanje ministara i zamjenike ministara u Vijeću ministara Bosne i Hercegovine.

Imenovani kandidati su:

- Neven Tomić, za potpredsjedavajućeg Vijeća ministara,
- Marko Ašanin, za ministra civilnih poslova i komunikacija,
- dr. Jadranko Prlić, za ministra vanjskih poslova
- Mirsad Kurtović, za ministra za vanjsku trgovinu i ekonomske odnose,
- Nudžeim Rečica i Valentin Ćorić, za zamjenike ministara civilnih poslova i komunikacija,
- Dragan Božanić i mr. Husein Živalj, za zamjenike ministara za vanjske poslove,
- dr. Željko Šuman i Gojko Milinković, za zamjenike ministara za vanjsku trgovinu i ekonomske odnose.

Nakon što je predsjedavajući pročitao biografije imenovanih kandidata, prešlo se na glasanje.

Za potvrđivanje imenovanja Nevena Tomića za potpredsjedavajućeg Vijeća ministara glasalo je 20 poslanika od toga 13 sa teritorije Federacije BiH i 6 sa teritorije Republike Srpske, sa 4 protiv i 2 uzdržana glasa.

Predsjedavajući je konstatovao da je Predstavnički dom Parlamentarne skupštine BiH potvrdio imenovanje Nevena Tomića za potpredsjedavajućeg Vijeća ministara BiH.

Za potvrđivanje imenovanja ministara i zamjenika ministara glasao je 21 poslanik od toga 14 sa teritorije Federacije BiH i 7 sa teritorije Republike Srpske, sa 5 protiv i 1 uzdržanim glasom.

Predsjedavajući je konstatovao da je Predstavnički dom Parlamentarne skupštine BiH potvrdio imenovanja ministara i zamjenika ministara u Vijeću ministara BiH.

**Ad.5. Izbor delegacija Parlamentarne skupštine Bosne i Hercegovine u: Organizaciju o evropskoj sigurnosti i saradnji, Centralno Evropsku Inicijativu, Interparlamentarnu grupu Bosne i Hercegovine u Interparlamentarnoj Uniji i Parlamentarnu skupštinu Vijeća Evrope**

Poslanik Suada Muminagić je u ime SDP BiH, SD BiH i NHI istakla da im nije omogućeno, kao opozicionim strankama, da učestvuju u pripremi predlaganja članova za izbor delegacija Parlamentarne skupštine BiH u međunarodne organizacije.

Pozvala je poslanike da ne prihvate predloženi sastav delegacija. Ovaj prijedlog nije prihvaćen. Poslanici iz navedenih stranaka nakon učestvovanja u raspravi napustili su sjednicu kada se pristupilo glasanju po ovoj tački dnevnog reda.

**a) Organizacija o evropskoj sigurnosti i saradnji**

U delegaciju Parlamentarne skupštine Bosne i Hercegovine u Organizaciju o evropskoj sigurnosti i saradnji predloženi su: mr. Vladimir Šoljić, Adnan Jahić i Miodrag Deretić.

Za ovaj prijedlog glasalo je 20 poslanika, od toga 7 sa teritorije Republike Srpske i 13 sa teritorije Federacije BiH.

Predsjedavajući je konstatovao da je Predstavnički dom Parlamentarne skupštine BiH izabrao delegaciju u Organizaciju o evropskoj sigurnosti i saradnji u gore predloženom sastavu.

**b) Centralno Evropsku Inicijativu**

U delegaciju Parlamentarne skupštine Bosne i Hercegovine u Centralno Evropsku Inicijativu predloženi su: Mara Perkanović, Nikola Špirić, Ana Havel, Pero Skopljak i Tarik Čaršimamović.

Za ovaj prijedlog glasao je 21 poslanik, od toga 13 sa teritorije Federacije BiH i 8 sa teritorije Republike Srpske, sa 1 uzdržanim glasom.

Predsjedavajući je konstatovao da je Predstavnički dom Parlamentarne skupštine BiH izabrao delegaciju u Centralno evropsku inicijativu u gore predloženom sastavu.

Zaključeno je da će šesti član delegacije biti izabran nakon predlaganja kandidata ispred stranaka SDP BiH, SD BiH i NHI.

### **c) Interparlamentarnu grupu Bosne i Hercegovine u Interparlamentarnoj Uniji**

U Interparlamentarnu uniju Bosne i Hercegovine u Interparlamentarnoj Uniji predloženi su: Safet Oručević, Smail Bećirbašić, Ibrahim Spahić, Mirko Banjac, Dragan Mirković, Momir Malić, Vito Rakić, Pero Marković i Pero Madžar.

Za ovaj prijedlog glasalo je 20 poslanika, od toga 12 sa teritorije Federacije BiH i 8 sa teritorije Republike Srpske, sa 2 uzdržana glasa.

Predsjedavajući je konstatovao da je Predstavnički dom Parlamentarne skupštine BiH izabrao delegaciju u Interparlamentarnu grupu bosne i Hercegovine u Interparlamentarnoj Uniji u gore predloženom sastavu.

Zaključeno je da se dva preostala člana Interparlamentarne grupe izaberu nakon predlaganja kandidata ispred stranaka SDP BiH, SD BiH i NHI.

### **d) Parlamentarnu Skupštinu Vijeća Evrope**

U Parlamentarnu Skupštinu Vijeća Evrope predloženi su: Edhem Bičakčić, Mediha Filipović, Branko Dokić, Momir Tošić i Vinko Zorić.

Za ovaj prijedlog glasao je 21 poslanik, od toga 13 sa teritorije Federacije BiH i 8 sa teritorije Republike Srpske, sa 1 uzdržanim glasom.

Predsjedavajući je konstatovao da je Predstavnički dom Parlamentarne skupštine BiH izabrao delegaciju u Parlamentarnu Skupštinu Vijeća Evrope u gore predloženom sastavu.

### **Ad.6. Poslanička pitanja**

Poslanik Sejfudin Tokić je postavio pitanje (ne)spojivosti istovremenog obavljanja dužnosti poslanika u Parlamentarnoj skupštini Bosne i Hercegovine i člana u Vijeću ministara BiH, jer smatra da prema važećim pozitivnim propisima, činom imenovanja članova izvršnih organa vlasti, prestaje članstvo u parlamentarnim institucijama.

Poslanik Hilmo Neimarlija je dao prijedlog da se ili Poslovníkom ili drugim odgovarajućim aktom regulišu prava, obaveze i odgovornosti poslanika, s obzirom na izostanak većeg broja poslanika sa sjednica Predstavničkog doma.

Sjednica je završila s radom u 13,30 sati.

Magnetofonski snimak sjednice čini sastavni dio zapisnika.

PREDSJEDAVAJUĆI  
PREDSTAVNIČKOG DOMA  
PARLAMENTARNE SKUPŠTINE BiH  
dr. Halid Genjac, s.r.